

LONGC JIENV WAAC-FIENX BUN A'LAMH BENX DOMH MIENH

Ih hnoi Dingc Hnyouv Guen Taux Meih Gu'nguaaz Wuov Ndaangc Hingv nyei Maengc

Maaih camv-nyungc longx nyei za'eix oix zuqc dingc dongh meih a'lamh deix duqv gu'nguaaz. Mv baac meih oix buangh camv-nyungc longc jienv nyei dingc hnyouv. Meih nyei gu'nguaaz oix yungz yiem ndie-biauv dongh duqv nqoi nzuih bun bieqc tong California Siang-Yungz Zaah Haiz Waac Gorn (NHSP). Dongh yiem jienv ndie-biauv meih oix duqv zipv qangx bun meih nyei gu'nguaaz zaah taux haiz waac nyei jauv ndangc meih nzuonx biauv.

M'normh ndung haih mangc maiv buac, meih dingc hnyouv zaah gu'nguaaz haiz waac nyei zaah se longc jienv haic. Ih zanc, maaih ja'sic haih zaah duqv cuotv m'normh ndung yiem gu'nguaaz lunx nyei ziangh hoc.

Jiex gorn wuov deix hlaax caux hnyangx yiem fu'jueiv nyei maengc se longc jienv haic taux hoqc linc jiu tong nyei jauv. Muangx waac maiv haiz a'fai m'normh ndung nyei gu'nguaaz maaih aqc yiem gorngv waac jiu tong a'fai aqc yiem horqc dorngh. Weic hnavg nnaic cingx longc jienv haic zaah taux muangx waac nyei jauv yiem lunx nyei ziangh hoc caux mbenc lengc jeiv nyei tengx bun gu'nguaaz caux hmuangv doic.

Meiv Guoqv Zorc Fu'jueiv Ndie-Sai caux ganh nyungc lengc jeiv tengx meinh gorn zaangc dengv taux zaah siang-gu'nguaaz haiz waac nyei jauv, caux zaah haiz waac nyei jauv borqv yiem hnyangx-jeiv lunx nyei hnyangx-dauh.

Maaih Mba'ziex Dauh Gu'nguaaz nyei M'normh Waaic?

Seix nyei m'normh waaic duqv zaah cuotv maaih 2-4 dauh yiem 1,000 dauh gu'nguaaz. Leih maiv go 50% gu'nguaaz nyei m'normh waaic maiv haiz yietc nyungc a'fai zorqv-guaix, hnavg hnief nyei baengc a'fai hmuangv doic douh zong m'normh ndung nyei jauv. Dauh baav gu'nguaaz nyei m'normh haiz waac zaih nyei yiem ninh mbuo nyei maengc weic m'normh butv-uiv, m'nqorngv-famv baengc, mborqv zuqc m'nqorngv a'fai ganh nyungc buonh sin baengc. Nzunc baav gu'nguaaz muangx waac maiv haiz, caux maiv hiuv duqv weic haaix nyungc.

Yie Mbuo Hnangv Haaix Nor Zaah Haiz Waac nyei Jauv?

Siang-Yungz Zaah Haiz Waac zoux ziangx ndaangc meih ncaux meih siang-gu'nguaaz cuotv ndie-biauv. Zaah nyei ziangh hoc se longc l ziex buonx dongh gu'nguaaz m'njormh nyei ziangh hoc. Sienc nyei qiex oix bungx bun gu'nguaaz muangx yiem buang jienv m'normh nyei ja'sic. Meih nyei gu'nguaaz haiz wuov deix qiex ziouc yietc zaah ndorqc yiem zaah qiex nyei ja'sic heuc "Otoacoustic Emissions (OAE)" a'fai zaah m'nqorngv-famv heuc Auditory Brainstem Response (ABR). Meih oix duqv zipv zaah daaih nyei jauv ndaangc meih cuotv ndie-biauv. Ih jaax hnoi hungh heic zaah nyei za'eix se bangc duqv zuqc haic. Maiv la'guaih pioux gu'nguaaz muangx waac maiv haiz nyei jauv.

Haaix Dauh Cingv Zaah Haiz Waac nyei Jauv?

Beu sengh pouh tong tengx jaaub Zaah Siang-Gu'nguaaz Haiz Waac nyei jauv. Medi-Cal tengx jaaub puix duqv zipv tengx nyei gu'nguaaz.

California Siang-Yungz Zaah Haiz Waac Gorn se Haaix Nyungc?

California Liuc Leiz Baengc nyei Gorn Zaangc (DHCS), Fu'jueiv Zorc Baengc Gorn (CMS) duqv jiex gorn tong saengv tengx taux Siang-Yungz Haiz Waac Zaah nyei Gorn. Naaiv Gorn oix tengx meih gu'nguaaz muangx maiv haiz waac caux haih tengx hmuangv doic zimh lorz horpc nyei za'eix ceix taux jiu tong nyei jauv.

California Siang-Cuotv Seix Zaah Haiz Waac Gorn nyei mouz deic se zaah mangc gu'nguaaz muangx waac maiv haiz caux tengx ninh mbuo duqv zipv tengx yiem biauv juqv hlaax. Gorn zaangc maaiah Haiz Waac Liuc Leiz Gorn dongh zoux gong caux hmuangv doic, zorc baengc mienh caux ndie-biauv taux fu'jueiv haih duqv zipv tengx qiemx zuqc nyei jauv.

Siang-Cuotv Seix Zaah Haiz Waac Gorn siou sou-gorn taux meih gu'nguaaz haiz waac nyei zaah ei Ginc 124119 yiem Baengc caux Zoux Horpc Leiz. Haiz Waac Liuc Leiz Gorn haih longc naaiv deix sou-gorn tengx meih caux meih nyei gu'nguaaz zimh lorz qiemx zuqc nyei jauv. Haih benx duqv nyei taux Haiz Waac Liuc Leiz Gorn haih jiu tong caux meih taux duqv zipv tengx nyei jauv.

Se gorngv meih maaiah waac-naaic a'fai oix hiuv camv nyei waac-fienx taux Siang-Yungz Haiz Waac Zaah Gorn,

- » Maiv Zuqc Cingv nyei Heuc 1-877-388-5301
- » a'fai bieqc mangc yiem website www.dhcs.ca.gov/services/nhsp

